

BOSNA I HERCEGOVINA

Brčko distrikt BiH

SKUPŠTINA

BRČKO DISTRIKTA BiH



БОСНА И ХЕРЦЕГОВИНА

Брчко дистрикт БиХ

СКУПШТИНА

БРЧКО ДИСТРИКТА БиХ

Mladena Maglova 2, 76100 Brčko distrikt BiH, telefon i faks: 049/215-516

Младена Маглова 2, 76100 Брчко дистрикт БиХ, тел. и факс: 049/215-516

Imajući u vidu da su pravo na izražavanje, a samim tim sloboda mišljenja, sloboda primanja i širenja informacija i ideja bez miješanja javne vlasti i bez obzira na granice, osnovna ljudska prava zagantovana Općom deklaracijom o ljudskim pravima i Evropskom konvencijom o zaštiti ljudskih prava i osnovnih sloboda;

Izražavajući zabrinutost zbog sve više izraženog govora mržnje koji podrazumijeva sve oblike izražavanja, uključujući govor, fotografije i videosnimke koji šire, podstiču, promovišu, otvoreno pozivaju ili opravdavaju mržnju među rasama, ksenofobiju, antisemitizam ili druge oblike mržnje zasnovane na netoleranciji, uključujući netoleranciju izraženu u agresivnom nacionalizmu i etnocentričnosti, diskriminaciji i neprijateljstvu prema manjinama, imigrantima i ljudima imigrantskog porijekla;

Svjesni štete koju govor mržnje proizvodi ako je prenesen putem medija i uticaja na sve kategorije društva, a posebno mlade;

Osudjući ponašanja koja vode radikalizmu i ekstremizmu svake vrste;

Pozivajući, podržavajući i zalažući se za dosljednu primjenu domaćih, ali i međunarodnih dokumenata kojima se nastoji zabraniti i sankcionisati govor mržnje, kao što su Međunarodna konvencija o ukidanju svih oblika rasne diskriminacije, Međunarodni pakt o građanskim i političkim pravima, Preporuka Vijeća Evrope o govoru mržnje, Konvencija o kibernetičkom kriminalu te Dodatni protokol uz Konvenciju o kibernetičkom kriminalu;

Skupština Brčko distrikta Bosne i Hercegovine, na osnovu člana 22 Statuta Brčko distrikta BiH –prečišćeni tekst (Službeni glasnik Brčko distrikta BiH, broj 2/10) i člana 64 stava 3 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13), na 25. redovnoj sjednici održanoj 14. februara 2018. godine, usvaja

DEKLARACIJU O OSUDI GOVORA MRŽNJE

Deklaracijom o osudi govora mržnje:

1. Osudjujemo govor mržnje i izražavamo svoju spremnost na dodatni angažman u borbi protiv nje, te pozivamo na angažman svih institucija s ciljem njegovog sprečavanja i sankcionisanja;
2. Pozivamo nosioce svih javnih funkcija, da se, svjesni svog uticaja, suzdržavaju od govora mržnje i bore protiv govora mržnje;
3. Ukazujemo na potrebu dosljedne primjene krivičnog zakonodavstva i eventualnog pooštavanja odredbi u krivičnim zakonima o krivičnim djelima počinjenim iz mržnje;

4. Pozivamo medije da se sveobuhvatno, interdisciplinarno i interaktivno bore protiv govora mržnje, te da, svjesni svoje javne uloge i uticaja na javnost, maksimalno kontrolišu svoj sadržaj i onemoguće slučajeve zloupotrebe svog medijskog prostora za plasiranje govora mržnje, kao i da daju svoj doprinos u upoznavanju javnosti o tome šta je govor mržnje i kako se sankcioniše;
5. Posebno ukazujemo na rastući problem zloupotrebe interneta u svrhu širenja govora mržnje;
6. Ukazujemo na potrebu podizanja svijesti javnosti, civilnog društva i svih organa vlasti o krivičnim djelima počinjenim iz mržnje i primjerenim odgovorima na njih;
7. Prihvatamo organizacije civilnog društva kao partnere u borbi protiv govora mržnje i ohrabrujemo ih u aktivnostima koje preduzimaju radi borbe protiv govora mržnje;
8. Pozivamo sve institucije u Brčko distriktu Bosne i Hercegovine, a posebno organe pravosuđa, na maksimalan angažman, u skladu sa zakonskim nadležnostima, u sprečavanju i sankcionisanju govora mržnje;
9. Posebnu zabrinutost izražavamo zbog sve prisutnijeg govora mržnje kojim se širi, podstiče, promovira i opravdava terorizam – najveća sigurnosna prijetnja današnjice, te zahtijevamo puni angažman nadležnih institucija i društva u cjelini, s ciljem sprečavanja i sankcioniranja takvih aktivnosti u Brčko distriktu Bosne i Hercegovine.
10. Ova deklaracija stupa na snagu danom donošenja, a objavit će se u 'Službenom glasniku Brčko distrikta Bosne i Hercegovine.

Usvajanjem ove deklaracije apelujemo na sve građane Brčko distrikta Bosne i Hercegovine, da zajedničkom osudom ove destruktivne pojave pokažemo spremnost da se zauzmemo na sprečavanju takvog ponašanja i eskalacije govora mržnje.

Broj: 01-02-316/18
Br ko, 14. 2. 2018. godine

PREDSJEDNIK
SKUPŠTINE BR KO DISTRIKTA BiH

Esed Kadri

Dostavljeno:

- 1) Predsjedniku
- 2) Dopredsjedniku
- 3) Gradona elniku
- 4) Pravosudnoj komisiji Br ko distrikta BiH
- 5) Policiji Br ko distrikta BiH
- 6) Sektoru za koordinaciju politika i op e poslove
-Odsjeku za op e poslove
- 7) Arhivi